


Tlangkawmna:

Bawlhhlawh tawih theilo te hi khawih hmun ah pawh hal mai theih chu a ni a, mahse kangmei chhuah palh a hlauh awm mai bak ah a vap te hmun tin ah a darh thin a vang in bawm chung a hal mai hi a felfai zawk in a him zawk bawk. Tin, Sarang/ polythene hal khu hian Boruak thianghlim lo a siam thei tih chu kan hre theuh anga mahse Bawlhhlawh sawngbawl dan tha zawk(Recycling) kan la hman phak ve hma hi chuan Bawlhhlawhhalna Bawm hi hman tangkai I tum theuh ang u.



KAN BAWLHHLAWH MAWLH MAI HI.

CONSTRUCTION OF BURNING BIN



Leaflet NO. 15/2016/KVK (NVLP)

Compiled by :-
K.Laltlanmawia, Senior Scientist and Head
K.lalmalsawmi, Scientist (Home Science)



Publish under
**National Initiative of Climate Resilient
Agriculture (TDC)**
2016-2017

Tarlan Chhan:

‘Ram changkan dan tehna tha ber pakhat chu an Bawlhhlawh sawngbawl danah a ni’ tiin an lo sawi thin a, ‘kan bawlhhlawh paih dan ah kan mizia a lang’an ti thin. Khawvel changkanna in a ken angin Bazar leh dawr a tang a kan thil lei tam tak te hi Bawlhhlawh tawih ral theilo hmang a tuam an ni deuh vek tawh si a, a paihna kan fimkhour leh siloh chuan chhiatna nasa tak thlen theitu a ni. Mizo te hi hemi kawng ah hian kan la hnufual hle mai a, lehkhathiam tak leh changkang hmel tak tak ang a lang te pawh hi Kawngpui a Bawlhhlawh paih nulh nulh hi tun thleng hian kan la awm nia!. Chutih lai in Zokhaw lam ah ngat phei chuan Bawlhhlawh paihna hmun mumal a awmlah mai bak ah Bawlhhlawh Bawm(Dustbin) nei mumal lo pawh tamtak an la awm. Hemi chungchang ah hian KVK, N. Vanlaiphai chuan hma la in *Bawlhhlawh halna Bawm(Burning Bin) leh Dahtawihna Khur(Compost Pit)* enchhinna neih ani a, an kalpui dan leh a hlawhtlinna a hnuai ah hian tarlan ani.

Bawlhhlawh Paihna mumal lovin chhiatna a thlen theih Langsar zual te:

- Heng petroleum based plastic kan tih Sarang te, Plastic um te leh a dang ho te hi hun rei tak lei a an awm hian Chemical hlauhawm tak an tichhuak thei a, chung chemical hlauhawm tak te chu leihnuai tui(groundwater) ah tel in mihring thihna hial thlen theitu an ni thin a ni.
- Bawlhhlawh tawihrallo ten chhiatna pakhat an thlen theih leh chu kan ram

leilung te thlaichin nan hman tlak loh a siam theitu a ni. Kawr/Culvert remchang a bawlhhlawh kan paih hian kan hmuh phak loh ah liam mai mahse a inchhekkhawm zela, leilet phai a buhching thin te tan phei chuan a pawh ta em em a ni.

- Bawhhlawh tawihral theilo te hian lei in man nghet zel tur te chu a dang bet tlat a chhiatna nasa tak leimin hial te pawh a thlen thei thin.

Bawlhhlawh halna Bawm(Burning Bin) leh Dahtawihna Khur(Compost Pit):

Environmental Protection Agency in Technology a tarlan dan ang in Bawlhhlawh halna bawm hi Brick atung zawng a remin 1.5ft.bxh(Alen zawng leh san zawng) in siam a ni a, lei a tang a 1/2 ft. vel ah Iron rod a inkawkalh in kham a ni. heih hian kan Bawlhhlawh halna vap chu Bawlhhlawh nen in pawlh lovin a hnuai ah a tlak tir thei ani. A vap lak chhuah na tur in leiseh chinah a ka(Mouth) 1/2 ft in siam ani bawh, heih hian a alh that theihnan air circulation(Boruak kal vel) a pui bawh a ni.

Dahtawihna Khur hi chu lei laih khuar in Bawlhhlawh/ei bangnawi tawih theite chu paih luh tawh mai tur a ni.

Enchhin Dan:

Veng/Thler khat ah enchhin a ni a, In(House)3 in Bawlhhlawh Halna 1 zel intawmtur in 3 siam a ni. A hmandantur teleh a pawimawh nate hrilhriat hmasak an ni a, Bawlhhlawh halna hman hma leh hman hnuai In leh a chhehvel a Bawlhhlawh awm te

lakhawm in a tlem dan (reduction percentage) lak ani.



Kalpui zel dan tur:

Mizo te hi thenawm khawveng inpawh tak kan ni a, In3 emaw a aia tam deuh pawh in kan intawm tur in Bawlhhlawh halna khur hi siam mai theih a ni. A siamna tur hmanrua leina tur inthawhkhawm in chhungkaw harsa deuh tan pawh thawhkhawm anih chuan alo awlsam zawk thei ang. Bawlhhlawh hal zo apiang in a halna vap te la chhuak in dahtawih na khur ah dah lehzel ni se.

